

征東之兵既有直隸各營又有吉林奉天盛天各營其間提督統領諸員已有數十人其中智勇兼備與岳武穆可比肩者當不備二三輩據效著於前事成于後者論之已皆卓卓可以大用固不必多煩謀帥各處徵請出山爲也倘用之不專將帥不同且復加以相忌則雖有良將直等糞蛆燕領虎額人不扼腕而長嘆歎 國家知人善任將帥久稱和輯如剿逆剿擒各偉績已見將帥一心之效而曾文公家書於金陵大營則專任介弟九帥爲之佈置攻擊是當時亦同於專任也李愬雪夜入蔡擒吳元濟是時原有兩路兵用觀兵者以激動猛士致死之鬪愬乃擊鵝鴨池以亂軍聲知破蔡之將亦甚覺智勇兼備平淮西碑韓昌黎雖推重主帥而謀仍由于武將也爰舉前事以縱言之未知有合否

匪謀藥局 ○京城右安門內西垣下火藥局於中秋時節獲到身帶火種之廣東人一名似欲焚燬此局爲日人買囑者當經拘解北署審訊官場以匪踪密甚亟飭兵役人等弊隊到局晝夜梭巡以戒不虞

衍繼公 陞見 ○衍聖公孔令昭襲公晉京祝嘏啓行已列前報茲聞襲公于八月十七日到京仍住西單牌樓堂子胡同東頭本宅居住十八日五更乘轎前有儀仗執事行至 內廷 召見 皇上殷殷垂詢禮畢退回卽往各京官各同鄉處拜會循成例也

華軍退守 ○初一日西報及北洋信息云華軍之在高麗義州駐守者現已渡過鴨綠江退回奉天邊界九連城因義州外面聚有日兵十餘萬葉統領恐有失事隨揮軍暫退以俟援兵按九連城在鴨綠江西八九十里與義州相對未知破釜沉舟渡江而東究在何日

傅相從戎 ○李傅相奏明 皇上請赴高麗督戰已列前報茲聞 皇上已准如所請准卽前往傅相因擬至蘆臺暫駐調度戎機

武備交修 ○山西大同鎮程魁燾軍門之偉奉 旨帶馬隊一千三百人于八月二十到津姜軍門桂題領桂字三營程允和軍門領和字三營均駐旅順○河南蔣尙鈞軍門帶精銳四營已紮天津楊柳青地方○八月廿六東洋用兵船十艘裝兵三萬由廣島出口不知何往○山西撫標練軍步隊千五百名